

Manmin nga mga Balita

NO. 39 PEBRERO 2, 2014

Nindot nga Pagdayeg Puno sa Pagkabalaan, Gugma og Paglaum Pagbag-o sa dughan og pagpatubo sa pagtoo sa taang miyembro sa Manmin



Matag pulong og huni sa Manmin-Praise naglakip sa gininhawa sa Diyos og nagpanindot sa dughan sa miyembro sa simbahan uban ang gugma sa Ginoo og paglaum para sa Langit.

Senyor Pastor Dr. Jaerock Lee nibatig kaguol ining henerasyona nga bisan gani ang mga pagdayeg nagkakalibutanhon. Iyang gi organisar ang Performing Arts Committee nga hinimo sa grupo nga mananayaw og tig kanta nga maoy mo tanyag og mga pagdayeg nga maka pahimuot sa Diyos.

Sama nga ang Diyos nihatang og mga kanta ngadto sa mga Israelita aron dili sila makalimut sa Balaod sa Diyos og sa kasaysayan sa Iyang gugma (Deuteronomio 31:19, 22), ang Diyos mismo naghatag usab sa Manmin Central Church og mga pagdayeg para sa tanang miyembro sa Manmin-worldwide. Kini gitawag og 'Manmin Praise.'

Ang mga miyembro sa simbahan lakip na ang 10,000 ka mga sanga og nakig ubang simbahan ma lingaw nga magkanta sa 'Manmin Praise' sa ilang worship service, mga miting, og bisan sa inadlaw nga pagkinabuhi. Pinaagi ini, ang dughan sa mga tawo nahugasan og ilang nakab-ot and nindot nga dughan sa pagkamaayo nga maoy buot sa Diyos. Pinaagi sa mga pagdayeg ang katawhan hingpit nga naghinulsol og nakadawat sila sa inspirasyon og kapuno sa Espiritu.

Ang Manmin-praise nailhan bisan sa ubang mga nasod og gihubad kini sa

Japanese, English, Chinese, og Russian, og ila kining gikanta. Dugang pa, ang uban nga kanta gihubad sa Spanish, Tagalog (sa Pilipinas) og Tamil (sa India).

Pastor Persiyal Rajadurai sa Maduri Holiness Church sa India niingon, "Among gihubad ang Manmin Praise sa Tamil og amo kining gikanta. Ang mga miyembro sa among simbahan niingon nga nakadawat sila og grasya og emosyon sa kinailadman sa ilang dughan og ang luha mo baha samtang nag dayeg."

Sister Smika Kumagai, Praise-leader sa Ida Manmin Church sa Japan nipahayag nga, "dili sama sa ubang gospel-songs, pagbasa pa lang sa kanta sa Manmin Praise amo nang mabati ang dughan sa Diyos Amahan, sa Ginoo og sa magbalantay. Ang tuno nindot sad kaayo nga mo tidlum ngadto sa among dughan. Ang pagdayeg maoy nakapahiusa sa mga miyembro sa among simbahan kon kami magtanyag na og Spirit-filled praises."

Si Pastor Dmitry Petrovsky nanghatag sa Manmin Praise sa tanan nga sangang simbahan didto sa Israel. Niingon siya nga dako kaayog panalangin ang hinatag sa Diyos nga Manmin Praise. Dugang pa, "Naka dayeg kaayo ko sa tuno dili gani nako mahanduraw bisan pag ako music-major. Ang mga tuno dili mapahayag." Ang Manmin Praise gikanta sa daghang kalihukan og mga krusada sa Israel og nagdala kini sa dakong grasya og lawum nga inspirasyon sa mga tawo.

Ang mga pagdayeg gikolekta og gihimo ngadto sa 5 ka album; Ang una giulohan og 'The Heart of the Shepherd'; ika-2 'Devotion'; Ika-3, 'Heaven'; Ika-4, 'Hope'; og ang ika-5, 'Space'. Ang Japanese nga edisyon nahimo sad uban sa 26 ka kanta nga kinuha gikan sa piniling mga kanta sa lima ka album.

Ang GCN (www.gcntv.org) nagtayag sad sa mga manan-away og programa nga gipasiugdahan ni Praise Leader Rose


Han, 'We Offer Up Praises.' Nagtudlo kini sa paagi aron sa pagkanta og tarong sa mga Manmin Praise sama sa maayong pagpahimutang sa hunahuna, maayong pagpagawas sa tingog og ang abilidad sa pag ginhawa. 'Fragrance' programa nga gipasiugdahan ni Deaconesa Jin Lee nga maoy naghan-ay sa Manmin Praise. Ang programa maoy magtudlo sa espirituwal nga pasabot sa mga pagdayeg, teyorya sa kanta, og uban pa.

News in Photograph

Ang e-book sa *The Message of the Cross og Heaven I* sa Chinese naana sa amazon.com

Ang libro ni Dr. Jaerock Lee, *The Message of the Cross og Heaven I* sa yano nga Chinese nana sa electronic-format sa www.amazon.com sugod niadtong Nobyembre 27, 2013. Bag ohay lang mga 90 ka libro ngasinuwat ni Dr. Lee ang gipagawassa e0book sa 9 ka sinultihan – Chinese, English, Spanish, French, Portuguese, Japanese, Finnish, German, og Italian – og gipanghatag ni karon sa tibuok kalibutan.

Og ang book-ministry sa Overseas Chinese nakakuhag atensyon sa mata sa mga tawo. Ang 'Grace Publishing House', iladong Christian-publisher sa Taiwan, nagbutang sa libro ni Dr. Lee, gipuli-puli nila kini og display sa ilang 53 ka tindahan og libro sa Taiwan og 31 ka tindahan sa U.S., Canada, Australia, Malaysia, Hong Kong, og Singapore; O gang Manmin Publisher nag imprinta og naghatod sa iyang 10 ka mga libro sa Chinese sa tibuok Malaysia.





Senyor Pastor Dr. Jaerock Lee

Ang Gugma dili Masuk-anon o Madinumtanon

“Ang gugma dili mapahitas-on o bastos. Ang gugma dili mamugos sa kaugalingong kagustohan; ang gugma dili masuk-anon o madinumtanon” (1 Corinto 13:5).

Pananglitan naay duha katawo nag atubang sa samang sitwasyon. Ang usa naghuna-hunag positibo samtang ang usa nihusga sa negatibong hunahuna. Sa laing bahin pananglitan naay usa katawo nga naghunahuna nga ang bati nga estoryang iyang nadungog mahitungod niya bisan tinuod kato dili siya ang gi estoryahan. Unya, iya silang pakaulawan. Ang mga hunahunang maayo makahatag nato’g kalinaw og kalipay, apan ang daotang hunahuna mo resulta sa kadaotan og mo pa sugmuyo sa atong kinabuhi. Dugang niana, makahatag pa kini og negatibong impluwensya sa uban.

Dinihi, ang ‘pagdumot o kasuko’ nagtumbok sa bisan unsa nga dili mo takdo sa kabubut-on sa Diyos. Unya, unsa man ang atong buhaton aron makab-ot ang espirituwal nga gugma nga dili magdumot o masuko?

1. Dili magmasuk-anon o magmadinumtanon

1) Kon imong gigusto ang kadaotan sa uban, kinahanglan nga kining hunahunaa imong palayason

Atong ingnon nga nasuya ka sa imong higala nga dato. Kon maghunahuna ka nga ‘Dato siya, ako dili? Gusto ko nga madaot siya,’ kini hunahuna nga daotan. Kon naa kay espirituwal nga gugma sa imong dughan, dili ka maghunahuna og ingon ani ka daotan.

Walay gusto nga ang iyang hinigugma masakit o ma aksidente. Imong gustohon nga ang imong pinanggang asawa o bana perming baskog og layo sa aksidente. Kon gusto ka nga madaot ang uban og malipay ka sa ilang kaguol, kana nagpasabot nga ikaw walay gugma diha sa imong dughan. Mao usab nga gusto kang mahibalo sa pagka-daotan sa uban o sa ilang mga sayop aron imo ning ikapamalita.

Tinuod, naay higayon nga kinahanglan maminaw ka tungod kay aron mahibalo sa tinuod nga sitwasyon sa tawo aron pagbuyag niya sa daotang binuhatan og aron siya mabalik sa maayong dalan. Apan kung dili kini mao ang hinungdan, ang rason nganong interesado ka ining mga butanga tungod kay naa kay tinguha sa pagpakaulaw og pagtabitabi sa uban.

Sa Panulihon 17:9 nag-ingon, “Kon buot kang mahigugma sa katawhan, pasayloa sila sa ilang mga sayop kanimo. Ang paghandom sa mga sayop makabungkag sa panaghigalaay.”

Ang maayo og naay gugma diha sa ilang dughan magsulay og tabon sa sayop sa uban. Og dili usab sila masina kon ang uban nag maayo. Hinuon ila kining ikalipay.

2) Kon ikaw mo husga og mokondenar sa uban, kining hunahunaa kinahanglan imong palayason

Ibutang ta nga nakakita ka og magtotoo niadto sa lugar nga dili angayang adtoan sa usa ka magtotoo. Unya, unsa may naa sa imong hunahuna? ‘Nganong nabuhat man na niya?’ Tingali naa ka ining maong negatibong opinion. O, tingali mahibulong, ‘nganong moadto man siya ining lugara?’ Apan unya, maosab ang imong hunahuna og makaingon nga naa tingali siyay rason.

Kung naa kay espirituwal nga gugma og walay daotan diha sa dughan, sa unang bahin wala ka ining mga negatibong hunahuna. Bisna pa og maka dungog ka og dili maayo, hangtod nga imo gyud kining masuta pag ayo kon unsa gyud ang nahitabo, dili ka mo husga sa uban.

Santiago 4:12 nag ingon, “Ang Diyos ra makahatag sa Balaod og maghukom. Siya lang ang makaluwas og makalaglag. Si kinsa ka man nga maghukom sa imong isigkatawo?” Ang Diyos ra gyud ang makahatag og maayong pag husga. Kon mo husga ta sa uban, kini daotan.

Pananglitan naay usa katawo nga klaro gyung naghimo og sayop. Ining sitwasyona, para sa tawo nga naay espirituwal nga gugma, dili na importante niya kon ang maong tawo naghimo sa maayo o dili. Maghunahuna ra siya kon unsa ang makaayo anang tawhana. Wala lang tabuni ang iyang kalapasan, apan matabangan hinuon nga ang tawo maghinulsol. Mo higugma gyud ta bisan niadtong naghimo og daghang sayop, mao nga natural nalang unya ang paghigugma niadtong walay nahimong sayop. Kon dali kaayo kang mo husga sa uban, kinahanglan imong mahibawan nga wala kay espirituwal nga gugma.

3) Kon naa kay hunahuna nga dili mosibo sa kabubut-on sa Diyos, kinahanglan imong palayason

Sa kalibotan ang tawong nagpakabuhi sa suludong pamatasan og nagpuyo pinasubay sa konsensya giingon nga nagpakabuhing maayo. Apan dili kini maoy sumbanan sa kamaayo. Kini dakong sukwhi sa mga Pulong

sa Diyos. Ang Pulong ra gyud sa Diyos ang hingpit nga sumbanan sa pagkamaayo. Ang mga butang nga wala mahisakop sa Pulong daotan og sala.

Kon ang usa modawat sa Ginoo, og mo kumpisal nga siya nakasasala. Tingali maghunahuna nga siya nagpakabuhi na sa maayo, apan kon iyang tan-awon ang kahayang sa Pulong sa Diyos iyang makita ang daghang daotang nga naa pa niya. Mao nga mangumpisal siya nga siya makasasala og maghinulsol.

Dinhi, akong ipasabot ang kalahian sa sala og daotan pinaagi sa pag kumpara ngadto sa kahoy. Ang ‘daotan’ sama sa gamot nga naa sa yuta og dili makita og ang ‘sala’ sama sa mga sanga, dahon og bunga. Sa sama nga ang sanga, dahon, og bunga gikan sa gamot, ang ‘sala’ maoy bunga sa gamot nga mao ang ‘daotan’.

Ang daotang kinaiya naa sa dughan sama sa gamot ilawom sa yuta. Kon kining pagkadaotan magpakita diha sa lihok o hunahuna, mao na ang gitawag og ‘sala’. Sa Lucas 6:45 mabasa, “Ang maayong tawo magsultig maayo gikan sa maayong mga butang nga naa sa iyang kasingkasing. Apan ang tawo nga daotan magbuhat og daotan gikan sa ngil-ad nga mga butang nga naa sa iyang kasingkasing. Kay kon unsa ang naa sa kasingkasing sa tawo mao sad ang iyang isulti.”

Ingon ta nga ang usa katawo nigamit og hugaw nga pulong og nipasakit sa tawo nga iyang gikalagotan. Kini kay ang kinaiyahan sa ‘kalagot’, nga mao ang daotan diha sa iyang dughan, naila isip ‘daotang mga pulong’, kini klaro nga sala. Apan dili tanang tawo makasala bisan sila naay daotan sa ilang dughan. Kon sila disiplinado o mahibalong mo kontrola sa ilang kaugalingon pinaagi sa Pulong sa Diyos, ang daotan dili mogawas isip sala. Apan tungod kay naa gihapoy daotan diha sa ilang dughan, dili sila mahimong balaan. Unya ra nga kon ilang mapalayas ang kinaiyang makasasala diha sa ilang dughan, maila sila nga balaan og makakab-ot sa espirituwal nga gugma.

Ang Diyos gugma. Ang mga sugo sa Diyos ma lakbit ngadto sa ‘gugma’. Mao nga kinahanglan tang magbantay nga daotan og sala ang pagdumot og ang dili paghigugma sa uban. Kinahanglan atong palayason ang tanang matang sa daotan og

mohigugma gyud ta sa uban.

2. Para makuha ang espirituwal nga gugma

Labaw sa tanan, dili gyud ta mo tan-aw og maminaw sa mga bakak. Kon mahitabo nga makakita o maka dungog ta og mga bakak, ato gyung panigkamotan nga kini mawala sa atong hunahuna. Apan ang problema raba kay kon mo sulay ka sa pag kalimot ini ang hunahuna magsigi hinuon og balik. Maong imong gikinahanglan ang mangiinitong pag-ampo og ang pagdawat sa tabang sa Espiritu Santo. Klaro nga dili nato tuyuon ang pagbalik-balik sa paghunahuna ini. Apan ato gyung palayason bisan ang pagkidlap ini diha sa atong hunahuna. Og dili gyud ta moapil sa mga daotang lihok.

Ang tawo naka panunod sa makasasalang kinaiya gikan sa ilang ginikanan og maka sugat og mga bakak sa ilang kinabuhi. Basi sa maong kinaiya og mga bakak, ang tawo magporma og bayanan sa iyang ‘kaugalingon’. Mao nga atong gikinahanglan ang pailob og tinguha aron mapalayas ang kinaiyang makasasala og mga bakak. Mas anad ta sa mga bakak kaysa matuud, mao nga dali rang dawaton ang bakak kaysa pagpapahawa ini. Kon nahigugma ka pag-ayo sa usa katawo, imong gustohon kon unsa ang gusto ining tawhana og dili sad ka ganahan sa mga butang nga dili niya gusto. Sa samang paagi, atong masunod ang mga sugo og atong palayason ang tanang matang sa daotan kon kita nahigugma pag-ayo sa Diyos.

Sunod, aron makab-ot ang espirituwal nga gugma, kinahanglan nga atong himoong ‘pan sa kinabuhi’ ang Pulong sa Diyos og magtanyag og maimitong mga pag-ampo. Kon mamalandong ta sa Pulong sa Diyos adlaw og gabii, atong mapalayas ang daotang hunahuna og maangkon ang maayong hunahuna. Og kon kita mag-ampo permi, atong ma ilhan ang daotang hunahuna nga naa nato, mga pulong, og binuhatan nga wala lang nato mabantayi. Og ato dayon kining mapapahawa.

Mahal kong kaigsoonan, ang espirituwal nga gugma dili masuk-anon o madinumtanon. Ako mag-ampo sa ngalan sa Ginoo nga ikaw mahimong tawo sa espiritu nga perming naay maayong hunahuna og mohimo sa matuud pinaagi sa dali nga pagpalayas sa tanang matang sa daotan pinaagi sa Pulong sa Diyos og sa mangiinitong pag-ampo.

Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-

anan pinaagi lamang sa dugo ni Hesu Kristo.

4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga Balita

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 152-848
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminministry@manmin.org
Publisher: Dr. Jaerock Lee
Managing Editor: Geumsun Vin

“Niingon ang Diyos, ‘Motungha ang kahayag’”

Ang Genesis 1 naghulagway sa pagbuhat sa Diyos sa langit og yuta. Genesis 1:3-4 nag-
ingon, “Og niingon ang Diyos, ‘Motungha ang kahayag’; Og mitungha ang kahayag.
Nahimuot ang Diyos sa kahayag nga iyang nakita og gilain niya kini gikan sa kangitngit.”
Unsag klase sa kahayag kining hayaga? Tungod kay wala pa may adlaw niadtong
higayona, dili gyud kini kahayag gikan sa adlaw. Karon unsa man ning hayaga? Og
nganong niingon man ang Diyos nga, ‘Motungha ang kahayag’?

**Ang kahayag nga gihimo
sa unang adlaw sa
pagpamuhat mao ang
‘original nga kahayag
sa pagpamuhat’.**

Sa Juan 1:1 nag-ingon, “Sa pinasugdan ang Pulong diha na. Ang Pulong uban sa Diyos og ang Pulong Diyos,” Ang Diyos diha na sa porma nga Pulong og kahayag (1 Juan 1:5). Ang Diyos nga mao ang kahayag nga naglakip sa tingog mao ang gigikanan sa Diyos. Ang kahayag og tingog nga naay gahum og awtoridad sa Diyos usa ra sa “Original nga Kahayag” og ‘Original nga Tingog’.

Ang Diyos nga maoy gigikanan nagplano sa human-cultivation og nagsugod og tungha pinaagi sa Diyos Amahan, Diyos Anak, og Diyos Espiritu Santo. Unya gilahi sa Diyos ang original nga wanang diin naa Siya isip kahayag og tingog ngadto sa espirituwal nga gingharain og ang unodnong gingharain.

Ang Diyos Trinidad nihimo sa kalibotan sa unodnong

gingharaian og nagsugod sa Pagpamuhat sa pag-abot sa higayon. Sa unang adlaw, niingon Siya, “Motungha ang kahayag.” Unya ang original nga kahayag ni lukup sa unodnong lugar diin naa mahisakop ang kalibotan. Ang “unodnong wanang” nagtumbok sa kalibotan, solar-system og galaxy sa unom ka adlaw’ng Pagpamuhat

Ang trabaho sa original nga kahayag nga nilukup sa unodnong wanang mao ang “pagpamuhat”, gitawag usab kini og “original nga kahayag sa pagpamuhat.” Sa sinugdanan sa Pagpamuhat, Iyang gilukup ang kalibotan sa original nga kahayag sa pagpamuhat, og Iyang gidahunogan ang original nga tingog sa pagpamuhat matag adlaw, og tagsa tagsang gihimo ang tanang butang sa kalibutan.

Una sa tanan, kini aron sa pagpakita sa lihok sa pagpamuhat diha sa espirituwal nga dagan sa panahon pinaagi sa pagtabon sa unodnong lugar uban ang espirituwal nga lugar.

Ang unodnong kalibotan nisakay sa unodnong dagan sa panahon sugod sa unang adlaw sa pagpamuhat. Ang konsepto sa 24 oras matag adlaw nagsugod ining higayona. Aron sa pagpakita sa lihok sa pagpamuhat sa samang unodnong wanang, gihimo sa Diyos ang original nga kahayag nga nilikup sa unodnong lugar aron kini matabunan sa espirituwal nga wanang. Ang espirituwal nga dagan sa panahon mas paspas kaysa unodnong dagan sa panahon. Ang trabaho nga himoon sa napulo o gatosan ka mga tuig sa unodnong panahon mahimong humnon og usa lang kaadlaw sa espirituwal nga wanang.

Dugang pa, ang usa ka butang mahimo gikan sa wala diha sa original nga kahayag sa pagpamuhat. Ang lugar nga gitabunan sa original nga kahayag, nagmando ang espirituwal nga balaod. Bisag unsay gusto sa Diyos nga naa sa Iyang dughan mahimo gyod. Mahimo ang bisan unsa gikan sa wala, og sigon sa Iyang gusto mausab kini ngadto sa gahi, humok o gas. Sa dihang ang maong unodnong wanang o lugar gilukop sa original nga kahayag, og gitabunan sa espirituwal nga wanang, ang mga butang mahimo pinasubay sa espirituwal nga balaod.

Sama pananglitan sa kanseron mahanaw dayon kini human sa pag-ampo. O sa tawo nga nabuthan og ‘appendix’ og nahimong ‘peritonitis’, apan ang kasakit mawala og ang maong tawo makabati nga siya normal na human nga makadawat sa pag-ampo. Pinasubay sa unodnong balaod, ang kanser kuhaon pinaagi sa operasyon. Apan bisan pa, kon ang tawo gigarantiyahan sa Diyos uban sa gahum sa Diyos, mag-ampo pinasubay sa hustisya, ang Diyos motabon sa tawo sa espirituwal nga wanang. Mao usab ang nahitabo sa tanang kaayohan. Ang nabali nga bukog masumpay, ang patay nga mga ugat mabuhi, ang alaot nga parti sa lawas mahimong normal, og uban pa. Sa kada kaso ang original nga

kahayag mopalibot sa parti, og ang espirituwal nga wanang ma porma, og sulod sa wanang, ang re-creation mahitabo.

Ang ika-2 punto; sa dihang ang Diyos nilukop sa unodnong wanang uban ang original nga kahayag, ang han-ay og ang lagda gitukod diha sa unodnong wanang.

Pananglitan, sama sa “Ang kalibotan motuyok kausa sa usa kaadlaw, og molibot sa adlaw kausa sa usa katuig.” Dili lang ang mga planeta sa solar-system apan mao usab ang mga bitoon molihok sigun sa ilang gikusgon. Bisan og naay daghan nga bitoon sa langit, dili sila pataka og lihok. Apan pinasubay sa ilang mando og lagda. Ang tubig mogahi sa 0 degree Celcius, mohumok og mobaha labaw sa 0 degree og mo bukaw og mangalisngaw sa 100degree. Ang han-ay sa panahon kay tingtugnaw, tingpamulak, ting-init og ting dagdag.

Kining tanang lagda nga gikinahanglan sa unodnong wanang gihan-ay na sa unang adlaw pa lang. Gihimo kini sa Diyos para unya sa mga binuhat nga buhaton Niya sa original nga kahayag sa pagpamuhat sa unang adlaw (Buhat 38:5).

Ika-3, Ang Iyang gahum og sagradong kinaiya gibutang ngadto sa tanang binuhat

Ang gahum sa Diyos makabuhi og patay og makapausbaw sa kinabuhi. Kon magtanum ka og liso sa yuta, mosibol kini og motubo. Pinasubay sa balaod sa kalibotan, aron mosibol ang liso, nagkinahanglan kini og maayong yuta, tubig og kahayag sa adlaw, og ang tanang binuhat, nga naay kinabuhi mosibol.

Ang original nga kahayag sa pagpamuhat nga nilukop sa unodnong wanang nagka ngitngit samtang ang kalibotan nagka grabi og ka tumog sa sala. Sa katapusan gipatigbabaw kini panahon sa baha ni Noe. Bisan pa, ang kahayag nga gibutang sa tanang binuhat nagpabilin gihapon, og kini nagsilbing sukaran sa enerhiya nga naghupot og nag sustinar sa tanang buhi nga mga butang.

**Usa pa diay, nganong
gilukop sa Diyos ang
unodnong wanang sa original
nga kahayag sa pagpamuhat
sa unang adlaw pa lang
sa Pagpamuhat?**

“Bulahan ikaw sa imong pag-abot og sa imong paglakaw” Gihimo sa Diyos nga ako makadawat sa mga panalangin

Naayo ko sa ‘pollution disease’ pinaagi sa pag-ampo sa akong senyor pastor nga si Dr. Jaerock Lee

Tuig 1991, bag-ohay pa lang ko ni trainta, ang ‘pollution disease’ (celebrospinal neuritis, chronic fatigue syndrome) niabot nako. Nagsulay ko sa pag paayo ini sa mga katuigan og ang kondisyon nagka grabe lang. Pag 1996 ni bakasyon ko sa trabaho sa ‘Fair Trade Commission og nanglimbasog sa maong sakit. Ang akong mga adlaw desperado kaayo.

Usa kaadlaw, nakabasa ko sa *Manmin Balita* ang mantalaan sa simbahan nahabilin sa akong pultahan og nahibulong kaayo ko sa mga panghimatuud sa magtotoo nga naayo sa terminal-cancer. Human niana, nakakita ko og libro ni Dr. Jaerock Lee *Tasting Eternal Life before Death* sa Jongro Bookstore. Akong gipalit, gibasa og naghilak tibuk gabii. Naka angkon ko og paglaum nga maayo ko sa akong sakit. Hunyo 22, 1997, nagpa rehistro ko sa Manmin Central Church uban ang akong pamilya.

Naka paminaw ko sa mensahe ni Dr. Lee nga nagpasabot nga ang mga sakit gikan sa sala og nakat-on nga kinahanglan maghinulsol og magpakabuhi sa Pulong sa Diyos nga naa sa Bibliya aron maayo. Sugod ato, naningkamot ko nga maka tuman sa Pulong diha sa Bibliya og sa mga pagpanudlo ni Dr. Lee og akong gidawat ang iyang mga pag-ampo. Tungod ini kompleto kong naayo sa pollution-disease og nagpakabuhi nga baskog sulod na sa 17 katuig.

Akong naabot ang dughan sa espiritu samtang nagsulay sa pagpakabuhi sa Pulong sa Diyos

Uban ang mapasalamatong dughan ngadto sa Diyos sa Iyang pag-ayo nako sa akong sakit, akong gisugid ngadto sa akong pamilya, kaliwat, og mga higala nga ang Diyos Moayo. Sobra sa 70 ka mga miyembro sa pamilya og higala ang nagpa rehistro sa Manmin og sila matinguhaong nagpakabuhi sa Kristohanong kinabuhi.

Si Senyor Pastor Dr. Jaerock Lee klaro nga nagtudlo sa kabubut-on sa Diyos Amahan pinaagi sa iyang mga mensahe. Permi siyang nagtudlo namo nga ang pinika tumong sa Kristohanong kinabuhi dili lang aron makaangkon sa kaluwasan, apan aron mahimong tinuod nga mga anak sa Diyos. Kana mao nga, kita mahimong balaan og matarong ubos sa kabubut-on sa Diyos.

Akong nahunahuna nga gusto gyud sa Diyos nga kita mahimong tinuod Niyang mga anak nga walay kinaiya sa pagkamakasasala og dili magpakasala diha sa buhat. Mao nga naningkamot ko nga mahimong balaan aron pag balos sa grasya og aron pag giya sa akong pamilya og mga kaliwat ngadto sa dalan sa kaluwasan. Ako gyung gisulayan ang pag tuman sa mga Pulong nga nag sulti sa angayan buhaton, dili buhaton, tagoan og angayan papahawaon.

Disyembre 25, 2011, nisangpot nga akong naabot ang dughan sa espiritu nga takdo sa kabubut-on sa Diyos tungod sa pag-ampo ni Dr. Lee. Lipay kaayo ko uban ang kalinaw kay akong nabati ang Langit sa akong dughan.

Nagpakitang eksampol sa Kristohanong kinabuhi og nagtuman sa daghan nga katungdanan

Nagsugod ko sa study-groups para sa pagkabalaan tungod kay gusto ko nga ang mga miyembro sa Sub-district Leaders Association og sa Finance Department makabati sa kalipay sa ilang Kristohanong kinabuhi isip mga leder.

Sulod sa 8 ka bulan gikan sa Nobyembre 2012 hangtod



Igsoon Hongki Park
(1-4 Parish, Advisor sa Lee & Ko Law Firm)

“

Nagwali ko mahitungod sa Diyos nga Moayo uban ang mapasalamatong dughan sa pag-ayo Niya nako sa pollution-disease

...

Og pinaagi ana, sobra sa 70 ka miyembro sa pamilya og kaliwat ang na ebanghelyohan og akong naabot ang dughan sa espiritu og matinud-anong nagtrabaho og ang Diyos nigiya nako ngadto sa panalangin sa tanang higayon.

”



Hunyo 2013, akong gipundok ang 40 ka sub-district leaders nga mga lalaki kada Domingo. Among gitun-an ang Bibliya 8:30-9:30 a.m. Wala madugay mga 200 katawo apil ang miyembro sa Finance Department og lain pang miyembro sa simbahan nga gustong moapil, nagtoon sa Bibliya og nag-ampo 7:20-8:20 sa gabii matag Domingo sugod sa Abril hangtod Nobyembre 2013. Sa ilang tinguha og kahago para sa pagkabalaan ni resulta nga daghan kanila ang nakabarog sa bato sa pagtoo og ang uban nakaadto sa espiritu.

Nitubo ang akong gugma para sa kalag samtang mobisita sa balay sa mga trabahante og makig miting nila. Gi imbitar sad ko aron mohatag og pagpanudlo sa mga miting sa Levite-workers (ang mga full-time worker sa simbahan), Cell-Group Service sa Men’s Mission, og uban pa. Akong giwali ang mensahe sa mga miting. Gihatagan ko sa Diyos sa grasya og kusog aron akong mahimo ang mga katungdanan.

Hunyo 27, 2013, napili ko nga vice-chairman sa United Holiness Church of Jesus Christ og akong gihatag ang akong kaugalingon para sa gingharian sa Diyos. Disyembre 29, nakadawat sad ko og ‘Certificate of Merit’ atol sa General-Assembly sa simbahan. Gihatagan ko sa Diyos og nindot nga mga panalangin sa espiritu og sa pisikal kay Iyang nakita nga ako nag lihok para sa Diyos og naningkamot nga mahimong balaan.

Mga panalangin nibaha sa akong pamilya, trabahoan og diha sa kabaskog

Ang Diyos ni protekta aron ako dili ma hospital sugod nga ako nagpa miyembro sa Manmin. Sa 2011, ang grado sa akong mata 0.9/0.9, apan niayo pa kini sa 1.2/1.2 sa 2013.

Nibalik ko sa trabaho human nga naayo sa pollution-disease. Naningkamot ko pag-ayo sa akong trabaho, og napili nga ‘exemplary civil servant’ sa ‘Board of Audit and Inspection’. Sugod 2010, ubos sa grasya sa Diyos, nag trabaho ko sa Lee & Ko nga mao ang kinadak-ang law-firm.

Ang ‘Mergers and Acquisitions’ (M&A) Practice Group sa Lee & Ko giila nga usa sa Asia’s finest M&A practice-handling, gibantog kini og nagtino sa ilang posisyon, og dili ikalimud nga sila ang market-leader sa Korea og sa tibuk Asya. Ang Diyos nanalangin nako sa abundang bunga sa fair-trade, nga diin ako ang nag palakaw.

Ang akong pamilya makugihon sa ilang Kristohanong kinabuhi paingon sa Bag-o nga Jerusalem. Ang akong asawa si Senyor Deaconesa Mihyung Cho maoy district-leader sa 4th parish og sekretarya sa Women’s District Leaders Association para sa mga church’s revival. Ang akong anak si Brother Jongseok Park, nag eskuwela sa Korea University, naningkamot sa iyang pagtoon aron magamit alang sa gingharian sa Diyos. Ang akong usa pa ka anak si Sister Sunyoung Park ni gradwar sa iyang pag eskuwela niadtong Agosto 2013, og nag trabaho na karon sa maayong kompaniya. Matinud-anon siya sa iyang trabaho.

Among ihatag ang tanang pasalamat og himaya ngadto sa Diyos. Niagi na nga ako wala nay paglaum tungod sa masakit nga balatian, apan gitugot sa Diyos nga ako makadawat sa nagbaha nga panalangin sa pisikal og espiritu.

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuera Sampaloc, Manila, Pilipinas Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Pilipinas Pastor Peter Bae 0910-262-5465	Purok 3, Brgy, San Roque, San Mateo, Isabela, Pilipinas Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714